

Kinaraya - Agape Balaan nga Kasulatan - God's Love Letter Scriptures

Juan 15:9 Kon paano nga ako ginhigugma kang Amay, kamo man ginhigugma ko. Magpabilin kamo sa akun paghigugma.

Isaias 43:1,2 - Efeso 2:10 Ang Dios ang naghimo kanatun kon ano kita.

Tungud kang atun suud nga kaangtanan kay Cristo Jesus gintugroan na kita kang bag-o nga kabuhi para nga maghimo kang mayad nga gin-aman na nga daan nga atun pagahimoon.

Jeremias 1:5 - Galacia 1:15 Pero ang Dios nagpili kanakun bisan kang wara pa ako matawo kag tungud kang anang bugay gintawag na ako para mag-alagad kana, kag nagpamat-ud tana nga ipahayag kanakun ang anang Anak

Juan 15:16 Bukun ti kamo ang nagpili kanakun, kundi nga ako amo ang nagpili kaninyo, kag ginpili ko kamo nga magkabuhi nga nagapamunga kang bunga nga magapabilin hasta san-o. Kon amo dya ang inyo himoon, itugro kang Amay ang bisan ano nga pangayoon ninyo sa akun ngaran.

3 Juan 1:2 Gayo nga amigo ko, ginapangamuyo ko nga kabay mayad gid ang imong lawas kag ang imong kahimtangan rugyan, kag kabay nga mangin pareho man dya kag imong pag-ugwad sa ispiritohanun nga pagkabuhi.

Isaias 43:4 - 1 Pedro 2:9,10 Pero kamo tana mga katawhan nga pinili kang Dios, mga pari nga nagaalagad sa Hari, nasyon nga ginpain para kana, kag anang mga katawhan. Ginpili kamo kang Dios agud to nga magpamaan kang anang makatiringala nga buhat. Tana man ang naghilway kaninyo halin sa madulum nga pagkabuhi agud to nga masanagan kamo kang anang makatiringala nga kasanag. 10 Kauna bukun kamo ti katawhan kang Dios, pero kar-on mga katawhan na run kamo. Kag kauna wara ninyo maagumi ang anang kaluoy, pero kar-on naaguman run ninyo dya.

Jeremias 31:3 - Efeso 1:4 tungud hay ginpili na run kita nga daan tungud kang atun suud nga kaangtanan kay Cristo bisan sa wara pa matuga ang kalibutan, agud nga kita mangin balaan kag wara ti kasawayan sa anang panuruk.

2 Timoteo 1:9 Tana amo ang nagluwas kag nagtawag kanatun agud to nga magkabuhi kita kag balaan. Ginhimo na dya indi tungud sa atun hinimoan kundi tungud lang gid sa anang kaugalingun nga tinutuyo kag sa anang bugay nga gintugro kanatun sa wara pa mag-umpisa ang tanan paagi sa atun kaangtanan kay Cristo Jesus.

Juan 3:16 Tungud nga ginhigugma gid ka mayad kang Dios ang katawhan sa kalibutan, gani nga ginpadara na ang anang bugtong nga Anak agud to nga

**ang bisan sin-o nga magatoo kana indi pagsilotan kang kamatayun kundi
nga makaagum kang kabuhi nga wara ti katapusan.**

Oseas 11:8; Isaias 49:15,16; & Isaias 41:13,14

**Lucas 12:32 "Indi kamo magkahadluk bisan pira lang kamo ka bilog. Tungud
hay nahamuut ang inyo Amay nga maghari kamo imaw kana.**

**Mateo 28:20 kag tudlo-i ninyo sanda nga magtuman kang tanan nga ginsugo
ko kaninyo. Dumduma gid ninyo nga kaimaw ninyo ako pirme hasta sa
katapusan kang kalibutan.**

**Juan 14:1 Nagkuon si Jesus kananda, "Indi kamo magpalibug. Magtoo kamo
sa Dios, kag magtoo man kamo kanakun.**

**Salmo 23:1 - Juan 10:11 "Ako ang mayad nga manugbantay kang karnero.
Ang mayad nga manugbantay handa magtaya kang anang kabuhi para sa
mga karnero.**

**Salmo 23:2 - Pagpahayag 7:17 Tungud nga ang Karnero nga rugyan sa tunga
kang trono amo run ang andang manugbantay. Pagatuytoy na sanda sa
mga tubudan nga nagatugro kang kabuhi, kag pagapahidan kang Dios ang
mga luha sa andang mga mata.**

**Salmo 23:3,4 - Lucas 1:79 agud nga magtugro kang kasanag sa mga tawo nga
rugyan sa madulum nga haron kang kamatayun tungud kang sala.
Magatuytoy man dya kanatun agud to nga makaagum kita kung
kalinungan."**

**Salmo 23:5,6 - 2 Corinto 1:10 Ginluwas na kami sa pat-ud nga kamatayun kag
pagaluwasun na pa gid kami. Nagalaum gid kami kana nga padayon na
kami nga pagaluwasun.**

**Filipos 4:7 Kon himoon ninyo dya, maaguman ninyo ang paghidait kang Dios
nga indi matungkad kang paghangup kang tawo. Gani mangin matawhay
ang inyong panghuna-huna kag baratyagun tungud kang inyo kaangtanan
kay Cristo Jesus.**

**Paraanggidan 3:24 & Salmo 4:8 - Juan 14:27 Ginataw-an ko kamo kung
kalinung. Ang kalinung nga rugya kanakun mismo amo ang igatao ko
kaninyo. Ang dya nga kalinung bukun ti pareho kung ginatao kang mga
tawo rugya sa kalibutan. Indi kamo magpalibug ukon magkahadluk.**

**Salmo 33:18 - 1 Pedro 3:12 Hay ginabantayan kang Gino ang mga tawo nga
matarung, kag ginapamatian na gid ang andang mga pangamuyo. Pero
ginakaugtan na ang mga tawo nga nagahimo kung malaot."**

**Roma 5:2 Paagi kay Cristo kag tungud sa atun pagtoo, naaguman natun ang
bugay nga dya kung Dios kag padayon natun nga ginaagum hasta tulad,
kag nagakalipay kita sa paglaum nga makaambit kita sa anang
kahimayaan.**

Isaias 55:12 - Lucas 19:40 Nagsabat si Jesus, "Sugidan ko kamo, kon

maghipus sanda, ang mga bato nga dya amo ang magasinggit."

Juan 16:22 Amo man ria kaninyo: tulad kadya nagakasubu kamo. Pero makitaay kita liwan kag sa amo to nga tion magakalipay gid kamo kag wara gid ti bisan sin-o nga makaagaw kang inyo kalipay.

Lucas 12:9 Pero ang sin-o man nga nagapanginwara kanakun sa atubang kang mga katawhan, ipanginwara man tana sa atubang kang mga anghel kang Dios.

Mateo 10:30 Kon parte tana kaninyo, bisan pa gani ang inyo buhok naisip na run dya tanan.

Isaias 54:10 - Mateo 24:35 Madura ang langit kag ang lupa, pero ang akun mga pulong magapabilin hasta san-o."

Mateo 11:28-30 "Tanan kamo nga ginabudlayan kag ginabug-atan, parapit kamo kanakun hay pagapapahuwayun ko kamo. 29 Magpasakup kamo kag magpatudlo kanakun, hay malulo ako kag mabuut, kag makapahuway kamo. 30 Tungud hay ang akun mga sugo mahapus tumanun, kag bukun ti budlay ang akun ginapahimo."

Canta Solomon 2:10 & Oseas 2:14,19,20

2 Corinto 11:2 Nagabatyag ako kung kaimon para kaninyo pareho kung Dios nga nagabatyag kung kaimon para kaninyo, tungud hay daw pareho kamo kung ulay nga daraga nga akun ginpromisa nga ipakasal sa sangka laki nga amo si Cristo.

Exodo 3:14 - Hebreohanun 13:8 Si Jesu-Cristo kon ano tana kauna, amo man angud tana kadya, kag hasta sa wara ti katupusan, wara tana nagabaylo.

Oseas 13:4 - Binuhatan 4:12 Magluwas kay Jesus wara run ti bisan sin-o nga makaluwas kanatun sa sala. Tungud nga sa bug-os nga kalibutan, ang ngaran gid lang ni Jesus ang gintao kung Dios, agud paagi ka dya maluwás kita."

Juan 15:14 Kag kamo mga amigo nakun kon nagatuman kamo kung akun mga sugo kaninyo.

Juan 14:6 Nagsabat si Jesus, "Ako amo ang dalan, ang kamatuoran, kag ang kabuhi. Wara ti bisan sin-o nga makaagto sa Amay kon indi paagi kanakun.

Pagpahayag 3:20 Dya ako kar-on nga nagatindug sa pwertahan kag nagapanawag. Kon sin-o man ang makabati kanakun kag pasudlun na ako sa anang balay, magasulud ako, kag magaimaw kami sa pagkaun.